

## **Gradam don Chathair is Inrochtana 2020**

### **Nóta Treorach d'iaratasóirí**

*Léigh na treoirínte go cúramach sula gcláraíonn tú. Gheobhaidh tú an fhaisnéis riachtanach ar fad anseo a chabhróidh leat na rannóga san fhoirm iarratais a chomhlánú i gceart agus cur síos a dhéanamh ar do ghníomhaíochtaí.*

#### **FAISNÉIS BHUNÚSACH**

**Teanga:** Moltar d'iaratasóirí a dtogra tionscadail a chur isteach i mBéarla, chun cabhrú le déileáil leis na tograí agus dlús a chur faoin bpróiseas meastóireachta. Ba cheart a thabhairt faoi deara, áfach, go nglactar le tograí a chuirtear isteach in aon cheann de theangacha oifigiúla an AE<sup>1</sup>.

**Modh déanta iarratas:** uirlis ar líne

**Spriocdháta:** an 11 Meán Fómhair 2019, 24:00 CET

#### **CONAS AN FHOIRM IARRATAIS A CHOMHLÁNÚ**

Ba cheart go mbeadh d'iaratas scríofa chomh soiléir agus chomh praiticiúil agus is féidir ionas go mbeidh an giúiré náisiúnta agus Eorpach in ann na hiarrachtaí atá déanta agat i do réimse inrochtaineachta a thuiscint. Díriú **ar fhíricí agus ar uimhreacha**. Nuair is féidir, tabhair **samplaí** lena n-áirítear **sonraí cáilíochtúla agus cainníochtúla**. Cinntigh go bhfuil do **chur chuige agus straitéis curtha in iúl go soiléir agat** faoi inrochtaineacht agus go bhfuil béim leagtha agat ar na **gníomhaíochtaí nuálacha agus iontacha** ar fad a chinntigh go raibh rath ar do chuid oibre sa réimse seo. Tabhair sonraí maidir le hamfráma na ngníomhaíochtaí: cathain a seoladh iad, céard iad na forbairtí a dhéanfar amach anseo.

Áirítear spásanna san uaslíon carachtar atá ar fáil le haghaidh gach freagra.

#### **A / AITHEANTAS CATHRACH**

##### **Tuairisc ghairid ar an gcathair**

Tabhair roinnt eolais bhunúsaigh faoi do chathair, a moirfeolaíocht agus stair chomh fada is a bhaineann leis an tionchar a d'fhéadfadh a bheith ag na gnéithe seo ar inrochtaineacht (mar shampla, cibé an bhfuil nó nach bhfuil an chathair tógtha ar thalamh cnocach, nó an bhfuil an croílár meánaoiseach le sráideanna cúnga agus constaicí a chruthaíonn deacrachtaí d'úsáideoirí cathaoireacha rothaí nó do dhaoine faoi lagamharc)

#### **B/ RAON FEIDHME NA DTIONSCNAMH**

Maidir le gach tionscnamh / gníomhaíocht / clár, sonraigh an aidhm, na tairbhíthe, an dáta tosaigh agus an dáta críochnaithe. Léirigh go bhfuil do chur chuige domhanda agus go bhfuil fíís uaimhianach agat maidir le dul i ngleic le hinrochtaineacht i do chathair amach anseo. Áit ar féidir, cainníochtaigh an leibhéal nó céatadán inrochtaineachta sna réimsí

---

<sup>1</sup> Beidh an fhoirm iarratais ar fáil in aon teanga oifigiúil AE, má chuirtear iarratas chuig Rúnaíocht an Ghradaim don Chathair is Inrochtana, tráth nach déanaí ná an 30 Lúnasa 2019.

thíos. Mar shampla: céatadán na stáisiún iarnróid, na dtimpeallachtaí oibre, líon na bhfeithiclí, na suíomhanna gréasáin, na bhfoirgneamh, an riaracháin poiblí etc. atá inrochtana.

### **Tuairisc ar thionscnaimh sna ceithre réimse inrochtaineachta:**

#### **a) Inrochtaineacht ar an timpeallacht thógtha agus spásanna poiblí**

Déan cur síos ar bhearta a bhaineann le dearadh chroílár na cathrach, sráideanna agus cosáin, páirceanna, cearnóga, séadchomharthaí agus spásanna oscailte, timpeallachtaí oibre, margaí, féilte agus imeachtaí allamuigh eile.

#### **b) Inrochtaineacht ar iompar agus ar bhonneagar gaolmhar**

Déan cur síos ar bhearta a bhaineann le carrchlóis, aerfoirt, stáisiún iarnróid agus busárais, tacsaithe, traenacha, busanna agus tramanna, neasacht, idirnasacht iompair poiblí agus infhaighteacht eolas maidir le haistir.

#### **c) Inrochtaineacht ar fhaisnéis agus ar chumarsáid, lena n-áirítear teicneolaíochtaí faisnéise agus cumarsáide**

Déan cur síos ar bhearta a bhaineann le rochtain ar fhaisnéis oifigiúil údaráis na cathrach, mar shampla: inrochtaineacht faisnéis poiblíochta ilmheáin an bhardais, comhairle agus nósanna imeachta aiseolais do shaoránaigh maidir le hinrochtaineacht an tsuímh ghréasáin, faisnéis ar líne faoi na healaíona, cultúr, siamsaíocht, áiseanna spóirt, comharthaíocht agus treoir in áiteanna poiblí, taobh istigh nó amuigh faoin aer, faisnéis do thurasóirí/do chuariteoirí, inrochtaineacht bothanna faisnéise poiblí, teicneolaíocht agus acmhainní TFC ionchuimsitheacha a chur ar fáil don phobal ar fad i leabharlanna poiblí agus in ionaid ar líne.

#### **d) Inrochtaineacht ar shaoráidí agus ar sheirbhísí poiblí**

Déan cur síos ar na seirbhísí poiblí a chuirtear ar fáil i do chathair (seirbhísí sóisialta, cúram sláinte, óige, oideachas, gníomhaíochtaí agus áiseanna fóillíochta agus spóirt, cultúr, seirbhísí fostaíochta, oiliúint, tithíocht etc.) agus léirigh cé chomh hinrochtana is atá siad. Léirigh conas a chuirtear inrochtaineacht san áireamh agus conas a chomhtháthítear inrochtaineacht sna seirbhísí seo. Seachas na seirbhísí sonracha do dhaoine faoi mhíchumas, cuir faisnéis ar fáil freisin maidir le conas a chinntítear go bhfuil na seirbhísí ginearálta seo inrochtana do dhaoine faoi mhíchumas. Is féidir leat samplaí d'fhormáidí malartacha a thabhairt do ríomhsheirbhísí rialtais, mar aon le samplaí de sheirbhísí a chuirtear ar fáil ar bhealach ilmhódach agus trí chainéil dhifriúla.

### **C/ ÚINÉIREACTH / LEIBHÉAL GEALLTANAIS**

#### **a) Déan cur síos ar an gcur chuige atá agat maidir le hinrochtaineacht i do chathair trí chéile agus conas a chuirtear an beartas chun feidhme.**

Tabhair léargas ar an mbeartas domhanda a chuirtear i gcrích i do chathair trí shampla mar seo a leanas a thabhairt: cuimsiú inrochtaineachta i straitéis chomhleanúnach nó creat beartais; ráitis bheartais agus gealltanais ardleibhéil d'inrochtaineacht; príomhshruthú i mbeartais agus i rialacháin na cathrach; struchtúir nó creat chun gníomhaíochtaí inrochtaineachta a chur chun feidhme/a chomhordú/a mhonatóiriú, roinn/ranna freagracha, príomhghníomhaithe i gceist, tionscnaimh de chuid na hearnála príobháidí (más ann dóibh), acmhainní agus foireann leithdháilte; meicníocht monatóireachta agus meastóireachta, faisnéis maidir le an bhfuil anailís costais is tairbhe déanta ag cathair ar inrochtaineacht a chur chun feidhme.

## **D/ TIONCHAR**

Tabhair sonraí cainníochtúla agus/nó cáilíochtúla chun tacú le tionchar agus éifeachtacht do thionscnaimh + tagarmhairc. Tá cead agat naisc, doiciméid nó ábhar closamhairc (scannáin nó pictiúir) a léiríonn na torthaí agus athruithe a uaslódáil. Ní mór go ndéanfaí tagairt sa mheasúnú tionchair ar thionscnaimh dá dtagraítear sa Rannóg "Raon feidhme na ngníomhaíochtaí".

### **a) Conas ar fheabhsaigh beartas na cathrach rochtain chomhionann agus caighdeán saoil daoine faoi mhíchumas?**

Tabhair samplaí mar aon le sonraí cáilíochtúla agus cainníochtúla. Tá sé tábhachtach tionscada(i)l – más ann dá leithéid – a bhfuil daoine faoi mhíchumas intleachta páirteach ann/iontu a lua.

### **b) Conas a théann na tionscnaimh seo chun tairbhe, seachas daoine faoi mhíchumas, réimsí níos mó den daonra?**

Tabhair samplaí praiticiúla.

## **E/ CAIGHDEÁN AGUS INBHUANAITHEACTH TORTHAÍ**

### **a) Conas a chinntíonn tú caighdeán agus inbhuanaitheacht beart inrochtaineachta?**

Sainmhínítear caighdeán na dtorthaí i dtéarmaí na bhfeabhsúchán a rinneadh ar an leibhéal inrochtaineachta agus a chomhlíonadh le caighdeáin agus reachtaíocht. Is féidir leat freisin a léiriú cibé an bhfuil nó nach bhfuil do chuid tionscnamh bainteach le haon gníomhaíochtaí áitiúla, réigiúnacha, náisiúnta agus Eorpacha.

Éilíonn torthaí inbhuanaithe a chur ar fáil chun inrochtaineacht iomlán a chinntiú iarrachtaí leanúnacha, struchtúr agus meicníochtaí monatóireachta fóna a bhunú (seiceáil rialta, fadhbanna a thuairisciú agus a dheisiú, déileáil le hoiliúint gearán maidir le hinrochtaineacht d'fhoireann na cathrach etc.). Cuir na meicníochtaí meastóireachta agus monatóireachta atá bunaithe i do chathair i láthair mar aon leis na hacmhainní leithdháilte.

### **b) Céard iad na pleananna agus na tionscnaimh atá agat chun leanúint leis na hiarrachtaí seo amach anseo?**

Déan cur síos ar an amfráma, más féidir.

## **F/ RANPHÁIRTÍOCHT DAOINE FAOI MHÍCHUMAS AGUS COMHPHÁIRTITHE ÁBHARTHA**

### **a) Déan cur síos ar rannpháirtíocht daoine faoi mhíchumas, a n-eagraíochtaí ionadaíocha, agus saineolaithe inrochtaineachta i bpleanáil, cur chun feidhme agus cothabáil bheartais agus thionscnaimh na cathrach atá dírithe ar inrochtaineacht a mhéadú.**

Déan cur síos ar na gníomhaíochtaí seo trí shamplaí a thabhairt. Áit ar féidir, cuir tuairimí daoine faoi mhíchumas maidir le hinrochtaineacht na cathrach san áireamh.

**b) An ndéanann tú gníomhaíochtaí múscaílte feasachta nó faisnéise maidir le hinrochtaineacht? An malartaíonn, an gcomhroinneann tú taithí agus deachleachtais le cathracha eile ar leibhéal áitiúil, réigiúnach, náisiúnta agus/nó Eorpach?**

Tabhair samplaí; is féidir leat tagairt freisin do do bhallaíocht i gcineálacha eagraíochtaí éagsúla a bhaineann le hinrochtaineacht etc.

**G/ CÉN FÁTH A BHFUIL AN GRADAM TUILLTE AG DO CHATHAIR?**

Déan cur síos gairid ar do bheartas agus gníomhaíochtaí inrochtaineachta trí chéile. Mínigh an chúis a bhfuil do thorthaí agus beartas inrochtaineachta do chathair iontach maith agus an chúis a gcreideann tú a bhfuil an Gradam tuillte ag do chathair.

Sonraigh rud éigin ar cúis bhróid do do chathair é. Is féidir leat tagairt don rud atá éagsúil faoi do bheartas inrochtaineachta féin agus céard iad na bearta ar fiú iad a chur chun cinn mar shamplaí maithe do chathracha eile.

**H/ ÁBHAR TACAÍOCHTA**

Le cois na faisnéise atá curtha ar fáil san fhoirm iarratais, ní mór d'iarrthóirí dearbhú an Mhéara, an Dearbhú maidir le honóir, an Fhoirm Eintitis Dhlítheánaigh (FED) agus an Fhoirm Aitheantais Airgeadais (FAA), a uaslódáil.

Chomh maith leis sin, tugtar cuireadh d'iarrthóirí cur i láthair deich sleamhnán PowerPoint – nó nasc chuige a sheoladh – 2 chun léargas a thabhairt air agus aird a tharraingt ar na pointí láidre ina n-iarratas.

Is féidir suas le cúig chomhad (is é 10 MB an t-uasmhéid do chomhad amháin) nó nasc a uaslódáil. Is féidir na comhaid uaslódáilte seo a bheith scríofa i dteanga náisiúnta tíortha ar ballstáit den AE iad, atá ag glacadh páirte sa chomórtas.

Ní mór gach doiciméad uaslódáilte a ainmniú go cuí. Ba cheart go sonrfaí go soiléir in ainm an chomhaid an méid atá sa chomhad.

B'fhéidir go mbeidh tú ag iarraidh roinnt faisnéise achoimre breise a thabhairt maidir le hábhar na ndoiciméad tacaíochta sa réimse thíos.

**I/ TEAGMHÁLAÍ AGUS NAISC GHRÉASÁIN**

Tabhair na sonraí teagmhála riachtanach ar fad don duine i do rannóg riaracháin atá freagrach as an iarratas seo.

Cuir naisc chuig suíomh gréasáin do rannóige riaracháin ar fáil agus, más féidir, do leathanaigh faoi mhíchumas agus inrochtaineacht.

---

<sup>2</sup> Glactar leis na formáidí comhaid seo a leanas: doc, docx, rtf, pps, ppsx, ppt, pptx, xls, xlsx, pdf, zip, gif, jpeg, jpg, png.

**TÁBHACHTACH:** Sonraigh an seoladh poist ba cheart a úsáid chun bróisiúr agus faisnéis faoin nGradam don Chathair is Inrochtana a sheoladh chuige agus eagráin den Ghradam don Chathair is Inrochtana amach anseo.